



Inatsisartunut ilaasortaq Ane Hansen, Inuit Ataqatigiit

§ 37 naapertorlugu apeqqummut nr. 124-imut allakktigut akissuteqaat

Asasara Ane Hansen,

Brevdato: 31-05-2016
Sags nr.2016 - 8266
Dok. nr. 10693071

Kalaallit Nunaata imartaani uuttortaanermit tunngatillugu apeqquteqaaternut qujanaq. Aallarniutigalugu aammalu ileqqorissaarnissaq eqqarsaatigalugu oqaatigissavara, imaanut nunap assinginik sanaartorneq aamma imaani uuttortaaner annertuumik assigiinngissuteqarmata. Kalaallit Nunaanni imaani uuttortaaner, immap naqqata qanoq issusaanik nunamik uuttortaanerusoq, pilersaarutit malillugit aammalu kinguaattoornertaqanngitsumik ingerlaannassasoq naatsorsuutigineqarpoq.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Imaanut nunap assiliornermi suliap ingerlanerani imaani uuttortaanermit paasissutissat nunamut tunngasut, imaanut nunap assiginut aammalu pitsaassusaat qulakkeerlugu sularineqaleruttorput. Naalakkersuisoqarfimmi maannakkorpiaq Geodatastyrelsi imaanut nunap assiliornermit tunngatillugu suliap ingerlanerata ingerlaqqinnissaa pillugu qanimut oqaloqatigaa, aammalu tullianik ataatsimiinneq ulloq 13. juni 2016 ingerlanneqassaaq.

Maannakkut apeqquteqaatitit tulleriinneri malillugit akissuteqarfingissavakka:

1. Imartatta uuttortarneqarnera pillugu isumaqatigiissut unittoqqasoq Naalakkersuisut qanoq iliuuseqarfiginiaarpaat?

Ajuusaarnarpoq imaanut nunap assingi nutaat aammalu digitaliusut sanaartorneqartut, Kalaallit Nunaanni imarsiornerup isumannaatsuunissaanut pingaaruteqartoq, maannakkut isumaqatigiissutigineqartutut 2018-ip naanerani tunniunneqarsinnaanngimmata. Tamatumunnga Geodatastyrelsip Aalborg-imut nuunneqarnerata malittaasunik sunniuteqarnera pissutaavoq. Taamaattoq oqaatigineqassaaq imaanut nunap assingi pisoqqat aammalu analog-iusut, imarsiortortatta pikkorissut misilittagaqartullu ukiorpassuarni atorsimasaat, suli pissarsiarisinnaagatsigu.

2. Imartatta uuttortarneqarnerata kinguaattoornera nunatta imartaani angallannermit, aalisarnermit takornariaqarnermullu qanoq Naalakkersuisut kinguneqassangatippaat?

Naalakkersuisoqarfiup oqaatigineqareersutut imaanut nunap assiliornermi suliap ingerlanerata ingerlaqqinnissaa pillugu Geodatastyrelsi qanimut oqaloqatigaa, aammalu Kalaallit Nunaannut isumaqatigiissutigineqartumut tunngavissarititaasut atorunnaarnerisa sunniutigisaanik, ilaatigut suliniutinik taarsiissutaasussanik arlalinnik Danmarkimi Geodatastyrelsip aallartissinnaasaanik suliqartoqarpoq. Tamatumunnga assersuutissaavoq imaanut nunap assingisa atuisunit pissarsiariuminarnulerunissaat aammalu

Kalaallit Nunaanni suli nunap assiliorneqarsimangitsut allat nunap assiliorneqarsimangitsut pilersaarut nutaaq. Suliniutit arlallit qaammatini aggersuni piffissalersorneqarnerinut annertunerusumik paasisaqarfigissallugit naatsorsuutigisakka. Oqaatigineqareersutut imaanut nunap assingi analog-iusut suli pissarsiarineqarsinnaapput. Tassunga ilanngutissaaq Kalaallit Nunaanni umiarsuit amerlanersaat nutaaliaasunik ingerlaarnermut atortoqartarmata, soorlu assersuutigalugu GPS-it, radarit aamma itissusersiutit 3D-iusut aammalu tassunga atatillugu oqaatigissallugu pingaaruteqarpoq, imaani angalanermi aqquataasareersunit "GPS atorlugu aqquataasartut" taaneqartartut, imarsiortut akornanni paasissutissiisutigineqartuaannartartut, ingerlaarnermi annertuumik iluaqutaasarmata.

**3. Qallunaat Naalakkersuisui isumaqatigiissutip
eqquutsinneqanngitsuulernera pillugu attavigineqareerpat?**

Nukissiuuteqarnermut, pilersuinermit aamma Silap pissusaanut ministeri Lars Christian Lilleholt oqaloqatigaara, aammalu naalakkersuisoqarfimma suliap ingerlanerata ingerlaqqinnissaa pillugu Geodatastyrelsi qanimut oqaloqatigaa. Kingullermik atorfillitat imaanut nunap assiliornermut tunngatillugu suleqatigiinnissamut isumaqatigiissut pillugu Geodatastyrelsimi pisortanik ulloq 4. april 2016 Island-imi ataatsimeeqateqarput. Tullianik ataatsimiinnissaaq oqaatigineqareersutut ulloq 13. juni 2016 ingerlanneqassaaq.

4. Immap uuttortarneqarnerani suliaq sumut killippa?

Oqaatigineqareersutut imaani uuttortaaneq aamma imaanut nunap assiliorneq assigiinngillat. Kalaallit Nunaata imartaani imaani uuttortaaneq maannakkut pisartutut annertussusilimmik ingerlaannassasoq naatsorsuutigineqarpoq. Suleqatigiinnissamut isumaqatigiissummi Kalaallit Nunaata kujasinnerusortaa ni imaanut nunap assingi 73-it pineqartunut ilaapput. 2015-ip naanerani imaanut nunap assingi 32-it sananeqareerput. Sumiiffiit maannakkut pappiaqqanik imaanut nunap assinginik nutaanik peqarfioreersut aamma imaanut nunap assingi elektroniskiusut 2016-ip naanerani imminnut naapertuuttunngortillugit, Geodatastyrelsip maannakkut sanaartorneq 2016-mi ingerlateqqinniarpaa.

Neriuppunga apeqqutitit matumani akissuteqarfigineqartut.

Inussiarnersumik inuulluaqqusillunga

Knud Kristiansen